



**Ecclesiasticae Historiae, Et Dicta, Inprimis Memorabilia,  
Christi, Apostolorum, Martyrum, Confessorum, Doctorum,  
& hostium veteris Ecclesie: singulari iudicio, & pio studio,  
ex Eusebio Cæsariensi ...**

**Eusebius <Caesariensis>**

**Haer. Chr. Egen., 1571**

**VD16 E 4284**

114. Ex Libro IX. Historia de interfectis à Theodosio Imperatore 7000.  
ciuum Thessalonicensium, propter motam seditionem, in qua Vdericus  
præfектus & multi alij nobiles vivi interfecti sunt: & ...

---

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

**O**, Inquit, Philosophé, meus codex natura  
creaturarum est, & adest cùm vo-  
luero, verbaq; mihi relegit Dei, Ibidé.  
*Christicola quondam insanis cessere tyrannis,  
Syluarum occultos & petiere locos.  
Ut studijs tuti possent incumbere sacris,  
Fundere & ad Dominum nocte dieq; preces.  
Hos inter sanctus pietate Antonius omnes  
Præualuit vita conditione sue.  
Quo se soletur syluis, hic fortè rogatus,  
Cùm careat libris, talia dicta dedit:  
Est meus hæc ingens rerum natura libellus,  
Quo lego præsentis plurima signa Dei.  
Hoc lucet bonitas magno & sapientia libro,  
Summi qui seruat cuncta regit q; Dei.  
Hoc me consolor, liber hic mihi perlegit omni,  
Quò spectant oculi facta notanda, loco.  
,, Herbula vel quævis præsentem ostendit adesse,  
,, Qui fouet & seruat cuncta creata, Deum.*

## 114. EX LIBRO IX. HISTORIA

Regnare de imperfectis à Theodosio Imperatore  
cœpit 7000. ciuum Thessalonicensium, pro-  
Theodo-  
sius, An-  
sti circi-  
ter 383. pter motam seditionem, in qua Vdericus  
præfectus & multi alij nobiles viri inter-  
feci sunt: & oratio S. Ambrosij ad Theo-  
dosium, qua ipsum à templo repulit,  
donec de iniusta cæde ageret pu-  
blicè pœnitentiam. Ca. 30.

Thessa-

Thessalica Elæo fuit vrbs certamine clara,  
 Fortibus & doctis inclita facta viris.  
 Hac vbi Circenses ludi celebrantur in vrbe,  
 Plebs agitur dira seditione furens.  
 Præfectum occidit plebs quo furiosa tumultu,  
 Atq; alios claros stemmate & arte viros,  
 Cæde Theodosius tali commotus ad iram,  
 Non retinet mentis frena regenda suæ.  
 Sed mittit turmas flagranti percitus ira,  
 Quæ iugulant septem millia in vrbe virūm.  
 Hanc postquam stragem perceperat aure cruentā  
     Ambrosius, toto pectore condoluit.  
 Atq; Theodosium sacra depellit ab æde,  
     Quod fuerit tantæ cædis in vrbe reus.  
 Talibus affatur præsul pietate verendus  
     Cæsarem, vbi templi tecta sacrata petit:

### 115. ORATIO AMBROSII AD Theodosium,

**N**escis Imperator, perpetratae à te cædis  
 quanta sit magnitudo? neq; post pau-  
 sam tanti furoris, mens tua molem præ-  
 sumptionis agnoscit? sed fortè recognitio-  
 nem peccati prohibet potestas imperij. Decet  
 tamen, ut vincat ratio potestatem. Scienda  
 quippe natura est eiusq; mortalitas atq; reso-  
 lutio, & puluis progenitorum, ex quo facti, &  
 in quem redigendi sumus, & non flore pur-  
     pureo